

奩

史

舊史卷六十

東吳王初相于陽

石門葉 鈞王有校刊

誕育門一

孕

婦人有孕曰瑞娥

升菴外集

孫堅夫人吳氏孕策夢月入懷孕權夢日入懷

搜神記

高歡妻婁氏凡孕六男二女皆感夢夢龍者皆爲帝

夢鼠者皆封王夢月者皆爲后

北齊書

張承之母孫氏懷承之時有白蛇白鶴之祥

會稽先賢傳

女冠耿先生甚有道術獲寵于元宗將誕之夕震雷繞室半夜雷止耿身不復孕子亦隨失

南唐近事

徐省妻有孕夢中忽云見一金眼獅子坐在胸前徐忙起取火獅卽跳往桌上及火至而獅已無踪妻腹忽消不復有孕

湖海搜奇

婦人妊孕未滿三月著聲冠衣平旦左繞井三匝映井水詳視影而去勿返顧勿令聲見必生男

異苑

闕澤在母胞八月而叱聲震外

會稽先賢傳

唐太宗在孕而語聲達于外

唐書

王曇逸母有娠間腹中啼聲

雞跖集

吳敬婦懷娠八月腹中忽呱呱作聲柴北溟往視之  
顧坐間有象棋一奩隨手散頓于地令人掖婦還一  
拾起置奩中拾至三十三枚而聲止

曠園雜記

杜牧之守郡時有妾懷孕而出以嫁州人杜筠後生  
子卽荀鶴也

池陽集藝苑雌黃同

宋南遷時某妾有娠不得偕往出嫁孫氏比歸覓之  
則生兒矣命名曰覲謂賣兒也

詩話類編

趙后詐託有孕上牋奏帝喜動顏色后慮帝幸見其  
詐乃遣宮使王盛以有妊者不可近人奏帝帝不復  
見后第遣問安否而已及期令盛取民間才生子以

物囊囊之攜入宮爲后子既發器則子死后驚曰子死安用也盛曰載子之器氣不泄所以死臣當穴其上盛得子趨宮門欲入子驚啼尤甚不敢攜入盛來見后言子驚啼事后泣曰爲之奈何時已踰十二月矣帝頗疑訝后終無計乃遣人奏帝云臣妾時夢龍臥不幸聖嗣不育帝但嘆惋而已

趙后遺事

有生而肌肉純白者或以爲社日受胎故男曰社公女曰社婆

席上屑談

男女感合先後而分陰陽

李玉溪注玉皇心印經

男先感而後女應之者必生男也女先感而後男應

之者必生女也

邱山金丹百問

開氣爲男闔氣爲女

儲華谷疑說

月水止後一三五日成男二四六日成女

道藏經

血海始淨一二日成男三四五日成女

李杲東垣蘭室秘藏

因氣而左動陽資之則成男因氣而右動陰資之則

成女

聖濟經

父精先進母血後行血包于精而爲女母血先進父

精後行精包于血而爲男

鍾呂傳道集

有丹客之妻懷孕腹甚巨似雙胎也丹客私語其妻  
曰若產兩男當名虎四兒虎五兒一日欲出天若雨

狀謂妻曰當攜雨具乎妻未及答腹中朗應云天不  
雨客驚問曰汝何人曰虎四兒也忽又聞聲云今日  
雖不雨亦有幾點問汝又何人曰虎五兒也自後凡  
有言無不驗乃教丹客以鍊丹之法瓊鈔

孕之異

思女不夫而孕

博物志

東方朔母田氏寡夢太白星臨其上因有娠田氏曰  
無夫而孕人將棄我遂移居東方五月朔日生故姓

東方而名朔

洞冥記

女樞感瑤光星貫月如虹而孕生顓帝

帝王世紀

大星如虹下流華渚女節感而生白帝金天氏感應傳

舜母感樞星之精而生舜尚書帝命驗

瞽瞍妻曰握登見大虹意感而生舜帝王世紀

周昭王庶子夫人觀白虹而有娠萬姓統譜

湯母感狼星之精又感黑龍而孕金樓子

湯母扶都見白氣貫月意感而孕生湯詩含神霧

高麗國王侍婢見有氣如雞子來下遂有身魏畧

河北有女子搗衣中白霧而孕羞憤自殺漢水記

女國女子遇南風感而成孕八紘釋史

女登感神龍生炎帝帝王世紀



堯母觀河感赤龍而孕

河圖 春秋合誠圖堯母履都赤龍與合生堯

漢高祖母媪交龍而有娠

史記

李夫人見黑大猿有感遂孕是生康節

康節外紀

張玉蘭天師之孫女見赤光入口中遂有孕

集仙錄

庖犧母履大迹有孕生庖犧

帝王世紀

姜嫄履大人跡而生稷

春秋元命包

姜嫄神跡祠蕭承之妻學履之是生齊帝

書奕

文中子母銅川夫人履巨石而有娠

山堂肆考

女修見玄鳥墮卵取吞之有孕生大業

春秋合誠圖

簡狄行浴見燕墮卵取吞之有孕因生契

史記 洪容齋曰姜

嫫媿狄事皆妄怪

神女簡狄遊于桑野見黑鳥遺卵于地有五色文簡狄拾之夜夢神母謂之曰爾懷此卵卽生貴子狄乃懷卵一年而有娠經十四月而生契

拾遺記

植槐母仰天吞雹而孕

八絃經史

漢高母浴于池見玉雞吐赤珠取吞之有孕

北堂書鈔

陳濟妻秦氏見一丈夫著絳碧袍相期于山澗以金瓶引水共飲後遂有娠生兒丈夫來將兒去化爲二

虹搜神記

零陵太守有女悅父書吏無計得偶使婢取書吏所

飲餘水飲之因有娠生男數歲太守使是男求其父  
兒直入書吏幄中化爲水父大驚問女始言其故遂  
以女妻之

括異志

后稷母服帝嚳之衣而妊

論衡

優旆夷共婦出家愛欲不止各相發問欲精汗衣尼  
取舐之即便懷胎

優旆夷戒經

有女人喜樂男子男子身觸其身即便懷胎

善見律

西方衛羅國王有女字曰配瑛與鳳共處鳳以羽翼  
扇女面女忽有胎王怪之因斬鳳頭埋著長林邱中  
後生一女王女思靈鳳之遊好駕而之長林邱中歌

曰杳杳靈鳳綿綿長歸悠悠我思永與願違萬劫無  
期何時來飛于是鳳乃鬱然而生抱王女俱飛徑入  
雲中

洞玄本行經

睽菩薩不合陰陽手摩臍下即便懷胎

法苑珠林

鄞縣民妻見夫兄私心慕之成疾阽危家人知而憐  
之計無所出強伯氏從帷外以手拊其腹遂有感成  
孕及產惟一掌焉

資產新聞

有女人欲情極盛惟視男子即便懷胎

法苑珠林

吳聘母居家父宦于京同夢交合而生聘

談薈

徐精遠行夢與妻寢有身明年歸妻果產

幽明錄

楊國忠出使江浙其妻夢與國忠交因而有孕國忠曰此蓋夫婦相念情感所致

開元天寶遺事

有處女孕者其家訊掠百至而卒無明驗或神交氣交而孕者乎

寄園寄所寄

周氏之季女浣于濁港有老僧見之曰我托宿得石

女曰諾僧卽危坐而化女卽有娠

僧史補

賢穆求嗣於玉仙聖母有老道士見貴主車服之盛歆艷富貴云願得貧道與大主做兒子歸而有娠明年賢穆臨募道士殂

錢氏私志

哀牢夷之先有婦人名沙壹捕魚水中觸沉木有感

因懷妊產男後沉木化為龍

水經注

滇載記蓋作

海中有女王國視井即有孕

後漢東夷傳

女國女人入水即有妊

夷俗考

女子國有潢池婦人入浴即孕

金樓子 梁朝公子傳曰女國有六

黃牛羌人孕六月而生

魏畧

獠婦孕七月而生

蜀郡記

苻堅母孕十二月而生

晉書

劉淵母呼延氏孕十三月而生淵

前趙錄

後唐太祖在妊十三月而生

合璧事類

胡俸妻虞氏懷孕十三月而生時忠

啟麟野乘

堯母慶都孕十四月而生堯

帝王世紀

鉤弋夫人生昭帝妊身十四月武帝遂命其所居曰

堯母門

漢書

劉聰母張夫人孕十五月而生聰

三十國春秋

附寶孕二十月生黃帝

論衡

吳約婦李氏孕二十四月生子

游宦紀聞

陽翟婦妊三十月子從背出

嵩陽紀

溫盤石母孕三年乃生墮地頓坐而笑

異苑

朱孔良婦懷孕三年乃生子

玉芝堂談薈

潘與偕妻孕四十月始生子生而能言

天都載

靈帝王美人妊娠四年乃生皇子協後漢書

鳳翔婦與黃冠通姦卽妊在禁中四年至英廟登極

赦到而婦生子髮被面齒滿口畫授錄

馬中翰內人孕八年而始生子玉芝堂談薈

老子父乾字元杲年七十二無妻與益壽氏野合而

娠十年而生老子前涼錄元妙內經老子母無垢唐書武后追尊老子母爲先天太

后

帝女游華胥之淵感虹而孕十二年而生庖犧寶樹記

老子母洪氏名嬰數感流星而娠十二年而生路史

大人國孕三十年而生博物志括地圖日三十六年



老君母見日精飛入口中有孕七十二歲而生于李樹下故卽以李爲姓生而白首故謂之老子

猶龍傳

老子乘白鹿下托李氏胞中八十年而生

潁鄉記

老君母夢五色霞入口有孕懷八十一年而生一說

老君母孕一千八百年而誕於扶力

酉陽雜俎

乾闥婆之女容姿美妙色踰白玉阿脩羅納之未久

卽便懷孕經八千歲乃生一女

觀佛三昧經

產

催生物件有海馬皮醪醑沉香酒

武林舊事

凡育婦入月父母家作眠羊臥鹿綵衣繡襦送至圻

家謂之催生 東京夢華錄

雷州霹靂楔與孕婦磨服爲催生藥有靈驗 珍珠船

李顯忠母苦難產者數日有僧過曰當以劍矢寘母

旁卽生顯忠生而立於蓐 說餘

生子曰挽乳爾朱榮欲入朝視皇后挽乳 表異錄

婦人曾產曰嘗字谷永曰無避嘗字 詞林海錯

生產平善曰慶育 書敘指南

語忌敬遺二鬼名婦人臨產呼之不害人長三寸三

分上下烏衣 酉陽雜俎

育子父母家以綵盆盛通草花朵貼五男二女意思

及綵畫鴨蛋送至壻家謂之分痛

東京夢華錄

獠婦生子便澡身於溪河其夫則擁衾抱雛坐於寢

榻稱爲產翁

貴州通志

有道人居紅崖谷深夜一美婦人叩門求宿納之移

時婦腹痛產嬰兒於盆詰旦婦抱兒去道人惡盆中

污覆諸澗澗際泥沙盡金色

昌平州志

左傳鄭莊公寤生風俗通云兒墮地卽能開目視者

謂之寤生杜氏註則云寐寤而已生

讀左日抄

蒲洪母姜氏因寐生洪驚悸而寤

前秦錄

慕容德母公孫夫人晝寢生德左右以告方寤

南燕錄

治產難方杏仁一枚去皮一邊書日字一邊書月字

用蜂蜜粘住熬蜜爲丸滾水或酒吞下

露書

帝妃鄒屠氏夢吞日則生子凡八夢八生子

寶積記

少昊生于稗華之渚

休子

孔子母徵在生孔子於空桑中

孔演圖

孔子生有二神女擎香露而來沐浴徵在

拾遺記

墨子姓翟名烏母夢赤烏而生

賈子說林

弄玉嫁簫史生子五人與昭靡回職禦子余華秉也

嘉蓮燕語

馮稜妻死稜哭之慟曰奈何不生一子俄而妻復蘇

卽孕十月產訖而死

雲谷雜記

桓宣武妾坐月下流星墜銅盆水中光如二寸珠妾

酌飲之生元

兩晉南北集珍搜神後記袁真遣女妓紀陵送阿薛阿郭阿馬于桓宣武阿

馬生元

張九齡母夢九鶴自天而下遂生九齡

九齡家傳

朱梧縣民依海際居產子以沙石自擁

元中記

產婦次日卽抱嬰兒同往河內澡洗

真臘風土記

康成子益思被賊害有遺腹子以丁卯生名小同

鄭康

成別傳

泗水王遺腹子復爲泗水王

漢紀

有富室兄弟同居兩婦皆懷孕長婦胎傷弟婦生男

夜盜取之爭訟三年

風俗通

周霸婦生女時屠婦得男因相與私貨易之

風俗通

梁武帝莫愁歌十六生兒字阿侯

古詩鏡

越俗以珠爲上寶生女爲珠娘生男爲珠兒

述異記

浙江人生女多者畢嫁作倒箱會

雞肋編

凌福三生女三溺之最後一女已寘溺器中婦昇之

一蛇忽入其腹五內如刺延僧禮懺得解

說儲

王敬則生時胞衣紫色

宋書

楊貴妃生時異香滿室胞衣如蓮花

廣西通志

宋太祖生其胞衣如茵蓐

東都事畧

楊大年生其胞如兩鶴翅交掩

春渚紀聞

雲宮法

卯剖之得嬰兒浦城志曰楊億母誕一鶴雛

王荆石始生冷無氣隣媼曰此名臥胞生

見聞錄

桂州婦人產男者取其胞衣淨濯細切五味煎調之

召至親者合宴置酒而啗

倦遊雜錄

琉球國婦人產乳必食子衣

太平寰宇記

## 雙生

雙生謂之儻子或謂之孿生

方言

孿雙生子也唐書王仁皎子守一與明皇廢后孿生

是矣侯鯖錄又作鱗字

養福問評

孖津之切一產二子也

鄭樵通志 戰國策孖子之相似惟其母知之

蛾皇夜寢夢昇于天無日而明光芒射目驚覺乃燭

也于是孖生二女名曰宵明燭光

漂粟手牘

霍光妻一產二子疑所爲兄弟或曰前生爲兄後生爲弟或曰居上者宜爲兄居下者宜爲弟居下者前生今宜以前生爲弟光曰昔殷王祖甲一產二子以卯日生嚚以己日生良則以嚚爲兄以良爲弟許莊公一產二女曰妣曰茂楚大夫唐勒一產二子一男一女男曰正夫女曰瓊華皆以先生爲長近代鄭昌



時文長倩並生二男滕公一生二女李黎生一男一女並以前生爲長

西京雜記

武明婁皇后諱昭君孿生一男一女

北齊書

李易安賀人孿生啟中云無午未二時之分有伯仲兩楷之似既繫臂而繫足亦難弟而難兄玉刻雙璋錦挑對襁注云任文二子孿生德卿生于午道卿生于未張伯楷仲楷兄弟形狀無二白汲兄弟母不能辨以五色繩一繫于臂一繫于足

文粹補遺

任僑妻胡氏一產二女相向腹心合自胃以上臍以

下分

法苑珠林

郟城民妻有二十一子而雙生者七

後山談叢

鄭某年三十六歲有子三十六人蓋十八歲娶婦一年一胎皆雙生也

近事存疑

甘陵相夫人有胎腹痛請佗視脈佗曰有兩胎在左男也在右女也右已死及生果然

華陀別傳

平陽縣何生能談五行有士人以女命來扣云有孕方可免災問弄璋耶弄瓦耶答云也弄璋也弄瓦後果孿生二子一男一女

癸辛雜識

米鑑妻二月十一生一子十二生一子十三生一子范工部鈞夫人得一女四閏月又生一男安書辦妻

正月初十日生一男二十日又生一男

談薈

汝寧有秀才妻一產三男形貌皆一不少差別始生時恐其久而無別也卽畜髮分中左右三髻識之光州有一座三女者與兒同庚守州異之曰此天合也卽爲主婚各以次第配之

稗史彙編

黎陽民妻一產三男一女

續漢書

北魏時秀容郡婦人一產四男四產十六男

河汾燕問錄

武進張麻妻一產五男

庚己編

陸終娶女嬪孕六子而不育三年啟其左脅三人出

右脅三人出

帝系山堂肆考曰陸終氏顓頊元孫娶鬼方氏之女一產六人後錄卽其仲

子

成化間嘉善鄒亮妻初乳生三子再乳生四子三乳生六子

濯纓亭筆記

宿州有民婦一產七子膚髮紅白黑青各異

耳談

宋孝廉家有手下婢產出肉帶子一條帶上共懸十八小兒面目形體無不具備

玉芝堂談薈

周哀王八年鄭有婦人一生四十子二十子生二十子死

法苑珠林

乾道五年潮州有婦孕過期產子百餘皆如指大五體皆具蠕蠕能動

瑯琊漫鈔

蘇州陸太學家人婦產一肉包破之中有百餘小兒

形皆一二寸許

稽園

梵豫王夫人一座千子

雜寶藏經

### 產之異

產不由戶者世尊及轉輪王之瑞

雜寶藏經

汝南屈雍妻王氏生男從右臍下承腹上出而平和

自若數月創合母子無恙

魏書

鳳陽張珍妻王氏有孕臍裂而生男

客座新聞

釋迦佛于四月八日從母右腋而生

續博智志 山堂肆考 日釋迦

佛母曰摩耶夫人

老君母剖左腋而生老君

史纂左編

李勢末年馬氏婦妊從脅生子母無恙

廣五行志

後魏韓僧真女從母右脅而出

集異記

淳熙中建康杜氏婦於左脅下裂而生子

夷堅志

徐州一婦初孕肋骨下生瘤漸大皮甚瑩薄兒遂從  
此產

瑣綴錄

武寧楊歡妻妊女從股中生

路史

莆田尉妻生男從髀間出瘡合無恙

三朝野史

禹母吞神珠胸拆而生禹

帝王世紀

簡狄胸剖而生契修己背拆而生禹

六帖

長山趙宣母從臂瘡中產兒 玉芝堂談薈

晉李宣妻樊氏懷胎過期不育而額上有瘡見穿之

以出 幽明錄

徐偃王之母產卵棄之獨孤老母有犬名鵠倉銜以

歸老母取覆之出一兒後繼徐國 博物志

夫餘得河伯女閉於室爲日影所照遂孕生一卵大

如斗破而得男名曰朱蒙 八紘釋史

黎耆彌最小兒婦名毘舍離懷孕月滿便生三十二

卵卵中各出一兒勇健非凡 佛說賢愚經

秦非子爲馬卵所生陸鴻漸鳥卵所出 雜異書

周烈王六年林碧陽君之御人產二龍

洪苑珠林

張魯女浣于水上白霧蒙身遂孕後生二龍

漢中記

嚴羌妾產一龍一鸞鸞飛去龍雷雨迎之

前涼錄

昔有婦人產蛟遂陷一方今之當湖是也

括異志

建興二年羌奴產一龍子色似錦文

集異記

竇武母產武時并產一蛇一鵠

漢書

劉聰小劉后產一蛇一虎

前趙錄

宣和間有朝士之室懷娠過月手書一也字令其夫持問善相字者謝石石祥視字謂朝士曰此閣中所書否曰何以言之石曰謂語助者焉哉乎也固知是



公內助所書尊閣盛年三十一否曰是也以也字上  
爲三十下爲一字也尊閣懷妊已十三箇月否曰然  
以也字中有十字并兩傍二豎下一畫爲十三也石  
熟視朝士曰有一事似涉奇怪可盡言否朝士因請  
其說石曰也字著垂爲蛇字今尊閣所妊殆蛇妖也  
然不見蟲蠱則不能爲害謝石亦有薄術可爲吾官  
以藥下驗之無苦也朝士異其說固請至家以藥投  
之果下百數小蛇而體平

蓼花洲閒錄

抱罕令嚴根妓產一女一龍一鵝丹陽張慶婦生一  
男一虎一狸

晉書

楚王宮人偶抱鐵柱心有所感遂懷孕產一鐵列仙傳

陝州田氏穿井得一根大如臂經歲餘田氏女登娘

常見一少年私之有孕產物形如根酉陽雜俎

荀擇以太元中恒見形還與婦孔氏嫵婉綢繆遂

有娠焉十月而產悉是水異苑

高平婦懷娠生一團水得日便消液成水郡國志

隰寧張娼之女十二歲而得男畫一元龜

真定有孤女方六七歲養於夫家居一二年夫誘與

交而孕生一子其母曰不圖拳母竟生錐兒聊齋志異

蘇達女年十二贅蒲氏子爲壻明年生一子楮記室

揚州某商妻年六十而生一子

真珠船

劉僕之妻六十歲產兒

獨樹屋稿

田普妻年六十餘生二男一女

遼史

長安劉氏之婦六十二而育女

事林廣記

張晉妻七十二歲嫁潘老復生二子

虹筆記

利津有老嫗年八十二歲生子

南行日記

胡馥之娶婦李氏十餘年無子而婦卒哭之慟婦忽

然起坐曰感君痛悼我不卽朽君可瞑後見就當爲

君生一男語畢還臥馥之如言暗而就之交接時婦

身微暖如未亡乃置之別屋及十月果生一男而後

殯男名靈產

幽明錄

武深之妻林氏懷身而死俗忌舍胎入柩中要須割  
出妻乳母傷痛之乃撫尸而祝曰若天道有靈無令  
死被擘裂須臾尸面赧然上色于是呼婢共扶之俄  
頃兒墮而尸倒

異苑

侯都事妾懷妊未及產而死後改藏見白骨已朽一  
嬰兒坐于足上食餅飲大駭抱出鞠養之及長爲太  
保

睽車志

鬼類文繪居易二條畧同

代說鄭畋是鬼胎其母卒後與其父亞再合而生畋  
初亞遨遊留其妻并一婢在山觀中女冠院側及歸

妻已卒詢其婢婢曰娘子將欲產臥之時聞空中語  
曰汝須出觀外無觸吾清境妻曰某婦人也出無歸  
分娠後遂絕已殯于野田矣亞以盞酒酹之是夜夢  
妻曰某命未盡合與君生貴子因爲汚觸道觀爲神  
所殺從此向北十里有某僧者奇士也可往求之亞  
因往謁僧僧曰子先歸吾當送來是夕三更果引妻  
至言本身已敗壞此卽竟耳其妻宛如平生但惡明  
處二三年間乃生畋又數歲乃辭去涕泗而別不知  
所之

中朝故事

產儀

天復二年皇女生三日賜洗兒果子金銀錢銀葉坐  
子金銀鋌子

金鑒密記

南唐時宮中嘗賜洗兒果有近臣謝表曰猥蒙寵數  
深愧無功李主曰此事卿安得有功

漫史詩話

皇子在邸生男女則戚里三衙皆有餉獻金帛而外  
洗兒錢果極其珍巧

容齋隨筆

王建宮詞妃子院中初降誕內人爭乞洗兒錢

東魏高澄尚馮翊公主生子三日帝幸其第賜錦綵  
唐章敬吳后生代宗三日玄宗臨澡之王毛仲妻產  
子三日玄宗命高力士贈酒饌金帛授其兒五品官

姜粦以公主子生三日玄宗曰他物無以餉吾孫賜  
六品官緋衣銀魚又武后時拾遺張德生男三日殺  
羊會同僚楊太真以錦繡爲襁褓裏祿山云貴妃三  
日洗兒也皆以三日爲重東坡賀子出生孫云時聞  
萬里孫已振三日浴今俗以三朝浴兒殆古意也東  
坡又記閩人生子三日浴兒時家人皆戴葱錢曰葱  
使兒聰明錢使兒富大

愛甘齋叢抄

育子滿月外家以彩畫錢或金銀錢雜果及珠翠顚  
角等物送其家大展洗兒會親賓盛集煎香湯于銀  
盆內下洗兒果用五色絲綵繞盆謂之圍盆紅尊長

以金銀釵攪水名曰攪盆釵觀者撒錢于盆中謂之添盆盆內有棗子直立者少年婦爭取而食之以爲生男之徵

東京夢華錄

三朝與兒落齊炙額七日名一臘十四日名二臘二十一日名三臘女家送餽

夢粱錄

兒落胎髮畢抱兒入姆嬭房中謂之移窠

夢粱錄

高駢鎮西川滅突將軍廩突將亂仍給以廩籍籍所給姓名族之有一婦方踞而乳子曰且飽吾子不可使以飢就戮見刑者曰詎有節度使奪戰士食一日忿怒淫刑以逞我死當訴于天使此賊閭門屠膾如



今日冤也 女世說

楊誠齋夫人羅氏生四子三女悉自乳日飢人之子

以哺吾子是誠何心哉

鶴林玉露

毛會潛畫一婦乳兒于壁夜遂有兒啼聲會乃以筆  
添乳入口自後啼聲遂絕

天都載

楊和王女事向子豐一日向妾得男楊以爲已出王  
厚遺其女且撥良田千畝以爲粥米莊

齊東野語

張萱有宮姬戲嬰圖

名畫錄

小兒初生爲小髻十數其父母爲兒女相勝之辭曰

蒲桃髻十穗勝五穗

記事珠

太真以祿山爲子時以襁褓戲而加之上亦呼之祿  
兒每入宮必先拜貴妃然後拜上上問其故對曰臣  
本蕃中人禮先拜母而後拜父

唐詩紀事

張萱有乳母抱嬰兒圖

宣和畫譜

南陽人謂抱小兒爲擁樹

史記注

生子百日置會謂之百晬至來歲生日謂之周晬羅  
列盤饌飲食官誥筆研算秤經卷針線等物觀其所  
先拈者以爲徵兆謂之試晬

東京夢華錄

團油飮產婦三日足月及子孩晬爲之

證俗音

舊唐書卷六十

舊史卷六十一

東吳王初祠于陽篡述

蓬萊黃 廣翼堂校刊

術業門

三姑六婆

三姑者尼姑道姑卦姑也六婆者牙婆媒婆師婆度  
婆藥婆穩婆也 輟耕錄

三姑六婆而外今則又有瞎婆 座治銘

掖庭供事者有奶婆醫婆穩婆謂之三婆 長安客話

漢明帝聽洛陽婦女阿潘等出家此尼之始也 事物紀原

劉峻女出家爲尼乃尼姑之始 天祿識餘

晉建興中始有尼 靜志居詩話

晉土比丘尼自洛陽竹林寺淨檢始 比丘尼傳

太原公主嘗作尼童謠稱爲阿廢 北史

張彪死妻楊氏割髮毀面誓不更行陳文帝聞而嘆

息遂許爲尼 南史

後魏孝文馮后入掖庭以姿媚見愛幸未幾疾病出

爲尼帝念之璽書勞問遂迎赴洛陽及至寵愛過深

立爲皇后 太平御覽

崔繪死妻盧氏糞穢磯面斷髮自誓武后詔爲尼 唐書

郭代公愛姬薛氏幼嘗爲尼小名仙人子 慧燈集

陸齊望女誦法華經感天墜花遂捨宅爲寺女爲尼

名法興 嘉興府志

蜀慈光寺尼海印才思清峻有月夜乘舟詩云舉棹

雲先到移舟月逐行 唐詩紀事

申國公主爲尼掖庭嬪御隨出者三十餘人 湘山野錄

岐王官有侍兒出家爲比丘尼者張稹仲賦詩云從

今不入襄王夢翦盡巫山一段雲 竹坡詩話

張子野嘗與一尼私通其老尼性嚴每臥于池島中

小閣上俟夜深人靜其尼潛下俾子野登樓相遇子

野作一叢花詞 艇齋詩話

于尼者嘗適人生子後爲二鬼所憑言事有驗遂爲尼名惠普士庶遠近輻湊以佛事之 溫公日錄

空室道人者梅公珣之女幼聰慧樂于禪寂後于姑

蘇西竺院薙髮爲尼名惟久 羅湖野錄

宋女真觀陳妙常尼年二十餘姿色出羣詩文俊雅工音律張于湖以詞調之妙常亦以詞拒後與于湖故人潘必正私通情洽潘密告于湖以計斷爲夫婦卽俗傳玉簪記是也 古今女史亦見初蓉集

元時一尼不知姓氏因咏梅花時稱梅花尼云盡日

尋春不見春  
芒鞋踏破嶺頭雲  
歸來笑撚梅花嗅  
春在枝頭已十分

紅蕉集

一尼少艾有男子與通情好尼欲恒留其人不可得  
乃飲之酒醉而髡其首以弟子畜之其妻怪夫不歸  
入寺求之尼方抵諱而夫聞妻聲遂云我在此妻決  
戶出夫則已不髮妻尤其尼尼慙謝夫曰此吾自取  
耳吾歸長髮慎勿爲人言時其子商於外其婦怪姑  
氏食倍於常又數聞人語音乃穴壁窺伺正見姑與  
僧同臥忿恚具白其子其子大怒取刀入室撫兩人  
首其一僧也卽奮刀斷僧首母覺而止之不及乃告



以爲僧之由于不信驗其首乃大海隣保執赴官論其子弑父固出不知然母奸不應子殺遂坐死尼亦徒刑

稗史彙編

祝枝山同沈石田出行見尼姑收稻自挑祝云師姑田裏挑禾上沈云美女堂前抱綉裁

噫語

尼師尚義本李氏女父漁人也女性慈仁喜放生得間輒取所捕魚投諸水遭捶撻無數一夕遁去投旁近尼菴削髮

遂初堂別集

康熙六年各省尼姑共八千六百一十五名

蜩菴瑣語

尼姑似燕有伴方行

義山雜纂

尼姑謂之優婆夷 大藏一覽

尼爲除饑女 名勾女身表異錄

京師尼諱師姑爲女和尚 雞肋編

惠洪贈尼昧上人云不著包頭絹能披壞墨衣

石門文字

禪

元嘉中師子國尼鐵索羅于南林寺壇上爲景福寺  
尼惠果等受戒法事此尼受戒之始 薩婆易師資傳

太和中洛陽東寺尼道馨通法華維摩研窮理味一

方宗師此則尼講說之始也 僧史畧

方夫人維儀有尼說七惑一卷 然脂集

宋比丘尼妙總爲蘇魏公頌孫又温州淨居妙道禪師係黃公裳女並有法語傳燈錄

尼超衍密印語錄一卷尼濟印仁風語錄一卷尼自如語錄一卷然脂集

行徹行剛二尼並有語錄

靜志居詩話

阿難請世尊聽女人出家故比丘尼多供養之佛國說

鳩摩羅什母欲出家夫未許更產一男後出城遊觀

見塚間枯骨深惟苦本堅求離俗乃翦髮後秦錄

王二本女子年十八易男子服依德住凡七載及王二病一夕氣絕易其衣乃知爲處子俄而復甦知跡

已創病愈請爲尼祝髮之日送者如雲桑門王二傳

梵語帶髮學道尼曰式叉摩那善附兒要覽

字多廢皇后馮氏真謹有節操遂號練行尼粧樓記

初僧尼同壇宋太祖時尼始別爲壇事物紀原

門實五年詔自今尼有合度者只許于本寺起壇受

戒蓋自是始別立尼受戒壇也宋胡會要

師姑壇相傳昔有師姑卓錫居此壇每出入上下必

騎虎人呼爲騎虎大師江西大志

張循王女孫真寂妙明惠懿大師自幼奉敕爲尼建

慧光菴以居至今住持皆張氏女咸淳臨安志

張淑芳西山樵家女理宗時選入宮賈相匿之爲妾

賈敗芳遂削髮爲尼結菴九溪塢以老

西湖志

東晉何充始捨宅安尼此蓋尼寺之始也

僧史畧

胡絃寺太后從姑所立也入道爲尼遂居此寺洞房  
月正對戶交疏朱柱素壁甚爲佳麗其寺諸尼常入

宮與太后說法

洛陽伽藍記

瑤光寺尼房五百餘間椒房嬪御掖庭美人並在其  
中亦有名族處女落髮來依此寺永安三年有胡騎  
數十入瑤光寺姪穢自此頗獲譏訕京師語曰洛陽  
兒急作髻瑤光寺尼奪作婦

洛陽伽藍記

梁武帝女爲尼於浮槎山建道林寺

釋藻集

武信王五女俱幼年好道薙髮爲女僧各止一處一

曰佛華寺一曰菩提寺一曰莊嚴寺一曰石佛寺一

曰法輪寺

十國紀年

宛平保明寺是比丘尼焚修處寺建自呂姑正統間  
諫阻北征不聽後復辟念之封爲御妹建寺賜額人  
稱皇姑寺凡貴家女緇髮者皆居其中

耳譚

臨平明因寺尼大利也往來僧官每至必呼尼之少  
艾者俱寢寺中苦之於是專作一寮貯尼之嘗有違  
濫者以供不時之需名曰尼站

癸辛雜識

洞庭山尼多妖麗故有尼妓之稱

林屋民風

武媚娘尼僧長髮婦人還俗者也

少室山房詩藪

惡模樣尼姑新還俗

義山雜纂

有女尼從士人張生者戴宗吉詩云于今嫁與張郎

去免得僧敲月下門

駒陰元記

有少尼往來人家避男人甚謹有周生命童子窺之

則立而溺率眾擒之果非尼邑令杖斃

博鄉集

女冠盛于唐楊太真度爲女道士下而宮人入道朝

士賦詩一時詞客皆填女冠子小令

靜志居詩話

公主爲女道士者十四人金仙玉真萬安楚國華陽

漢陽潯陽平恩邵陽永嘉永安義寧義昌安康

唐會要

睿宗第八女西成公主出家爲女冠改封爲金仙睿宗第九女昌隆公主與西成並出家爲女冠改封爲玉真長安興輔坊有玉真女冠觀

東坡詩注

玉真公主唐睿宗之姑字持盈號上清元都大洞三景師天寶二年與金仙公主皆爲女冠今玉真金仙二宮公主真容見在

青城山記

宋太祖才人朱氏後入道爲女冠真宗貴妃杜氏後入道爲女冠仁宗美人尚氏與郭后忿爭郭后廢尚氏入洞真宮爲女冠

文獻通考



婕妤曹氏姊妹通籍禁中皆爲女冠賜號虛無自然  
先生者左右街都道錄者

朝野道記

女冠暢道姑姿色妍麗神仙中人也少游挑之不得  
作詩云超然自有姑射姿回看粉黛皆塵俗

桐江詩話

女冠吳知古用事內宴演參軍曰甚事不被威栗壞

了俗呼黃冠爲威栗

齊東野語

徐驚鴻青樓中之有才者後爲女冠老

林下詞選

王微字修微廣陵籍後爲女冠自號草衣道人

明詩綜

白樂天有咏玉真觀小女冠阿容詩

白氏長慶集

韓文秀見鹿產一女遂收養之後爲女道士梁武帝

爲別立一觀號曰鹿娘

述異記

李騰空林甫女得道廬山李太白有送內往廬山尋

女道士李騰空詩

池北偶談

開元中有女冠乘風飛來玉真觀問之乃蒲州紫雲

觀女道士也數年又因風飛去

紀聞錄

女道士魚元機甚有才思咸通中爲李億執箕箒後

愛衰下山隸咸宜觀爲道士有怨詩云易求無價寶

難得有情郎又云蕙蘭消歇歸春浦楊柳東西伴客

舟自是縱懷乃娼婦也

詩苑叢珠

魚元機喜讀書屬文尤致意吟詠破瓜之歲志慕清

虛遂冠帔于咸宜觀然蕙蘭弱質不能自持或載酒  
詣之者必鳴琴賦詩有雲情自鬱爭同夢仙貌長芳  
又勝花之句

女世談

女道士黎瓊仙年八十而容色益少曾妙行夢瓊仙  
而食花絕粒

百衲編

代宗華陽公主以病丐爲女道士號瓊華真人德宗  
文安公主亦丐爲女道士

合璧事類

女道士元淳寄洛中諸姊云舊國經年別關河萬里

思題詩憑雁翼望月想蛾眉

唐詩紀事

耿先生爲女道士自稱比邱先生

南唐書

元宮人王金蓮晚爲道士提點昭應宮卒贈淵靜元  
素真人

查浦輯聞

丁羽棄族居吳山一日召妻書付四句而逝其妻束  
髮簪冠爲女道士奉夫尸不下山二十年婦姓王名  
守真

雁門集

輟耕錄作守素

李真童張奔兒之女也色藝無比舉止溫雅綽有閨  
閣風致達天山一見屬意周旋三歲達赴都約以明  
年相會李遂爲女道士杜門謝客至期達備禮娶之  
後達沒復爲道士節行愈勵

青樓集

羅素月惠州羅浮山女道士有梅花村詩

明詩綜

女道士馬氏居凹裏村韓志達訪之馬氏叩以道經  
粵義志達不能對遂師事之

會仙菴碑記

李儵號空雲才貌雙絕年十六嫁史相國爲妾史歿  
出家爲女道士後入王屋山不知所終

霜猿集序

退之華山女詩云洗粧試面著冠帔白咽紅頰長脣

青此定是女道士也

許彥周詩話

唐女道士觀五百有五十

六典

女道士觀九百八十八

新唐書

卦姑今看水碗楚烏龜筭命之類

稱號編

龜解人言吳中婦女多有教龜筭命者

留青日札

王愬自冬調選至次年孟夏不歸家書其妻曰愛甚忽聞賣卜女九娘者過其門遂召卜焉九娘設香俄空中有人曰選事未成早晚合歸今日在西市與四人共行及愬歸竇氏喜曰君選事未成又于某日西市四人共行愬愕然驚異

太平廣記

吳楚之地婦人女子輩多能卜九姑課及九天玄女課九姑課其法折草九莖屈之爲十八握作一束祝而呵之兩兩相結止留兩端已而抖開以占休咎若續成一條者名曰黃龍儻仙又穿一圈者名曰仙人上馬圈不穿者名曰蟬窠落地皆吉兆也或紛錯無

緒不可分理則凶矣九天玄女課其法折草一把不計莖數多寡苟用筭籌亦可兩手隨意分之左手在上豎放右手在下橫放以三除之不及者爲卦一豎一橫爲太陽二豎一橫曰靈通二豎二橫曰老君三豎三橫曰太吳三豎一橫曰洪石三豎三橫曰祥雲皆吉兆也一豎二橫曰太陰一豎三橫曰懸崖三豎三橫曰陰中皆凶兆也

輟耕錄

蔡紈妻楊氏曉星筭窺星躔占風雨

漳浦志

嘉定陳公子娶徐氏女後寵媵婢月蘭伉儷不和有算命婆以小木人付徐身帶七針囑其密縫枕內過

三夜婢卽失寵

湖海新聞

楊維禎西湖竹枝詞見說枯槽能卜命柳州衙口問來婆

周禮女巫舞雩檀弓曰天則不雨而望之愚婦人此用女巫之證也

日知錄

女巫漢曰總章又曰黃門倡

升菴外集

唐中宗時有女巫趙挾鬼道出入禁掖趙彥昭以姑事之其得宰相巫力也

合璧事類

端溪有女巫知未來事或叩之巫曰某乃見鬼者未來之事皆鬼言之

續幽怪錄



女巫樊胡子自言玉皇降身上劉鋹于內殿設帳幄

胡子冠遠遊冠衣紫霞裙坐帳中宣禍福

五代史

有女巫居藁祠多興妖以惑民一惡少年不信入廟  
詆辱之女巫乃夜詣少年曰若敗吾事矣今與錢十  
萬質明復入廟詈辱飲啖酒肴斯須則僞爲受械狀  
庶成吾事少年許諾女巫乃寘毒酒中少年如教飲  
啖卽七竅血流而死里人益神之

梁溪漫志

金氏女爲巫稱金花小娘後沒里人刻像立祠祀之

稱金花普主惠福夫人至今有金花會

廣東通志

琉球女巫最尊名曰女君

八紘釋史

伯顏家畜西番師婆名界界能預知吉凶

庚申外史

師婆今師娘卽女巫也吳中稱巫爲師娘

稱號篇

滇中多蠱婦人尤甚每與人交好或此人有遠行必蠱之至期不歸則死矣一客至滇交一婦人臨別云我已毒君矣如期不歸必腹脹脹則速還如踰月則不可救其人至期腹脹逡巡不歸腹裂而死腹中有餵猪木槽一面

述異記

滇南苗婦多蠱術有北賈與一婦狎越數載將歸婦挽留不從因曰遠別無以爲贈有藥一服服之可以療飢無需飲食也其人服之而行過逆旅主人曰君

必有所私已中其毒其人恐以實告主人與一藥丸  
戒之曰服此夜必吐任其吐盡胸膈物勿以燭視也  
及夕如其言覺有物自喉中出落地有聲天明視之  
尖刃七柄卓立榻前

秋燈叢話

潘姬善禁陳顯達矢中左目鏃不出姬先以釘釘柱  
禹步作氣釘卽出仍禁顯達鏃出之

齊書

樊夫人與夫劉綱各咒一桃樹夫人咒者兩枝相鬬  
擊良久綱所咒者桃走出離外

神仙傳

王七娘以紙月施于垣上咒之忽月光洞然

宣室志

番婦善咒有謝鸞謝鳳俱病番婦咒之鸞鳳膺中各

出草一莖尋愈

番俗六考

蕭氏小字意辛嘗與娣姒會爭言厭魅以取夫寵意辛曰厭魅不如禮法眾問之意辛曰修己以潔奉長以敬事夫以柔撫下以寬此之謂禮法自然取重于夫以厭魅獲寵獨不愧于心乎聞者大慙

遼史

楊祐悅妓吳秋景以三百金納之坐臥皆同歡笑無間但慾念一舉卽有一牆起于榻界斷其中兩相推撼而堅如石屏未嘗一度得合乃至遷易榻卜晝卜夜無不皆然禱禳無效累年秋景怏怏以死蓋妻爲厭勝云

漱石閒談

苗婦有幻術一幕客宿于苗地苗婦挑之不從苗婦恨之卽易其腿明日視之一足乃木耳宦者窮治其事苗婦懼請還其腿

尚谿織志

南方幻術能使鬼執燭若有某氏子往學之則曰且留我家爲女婿當以法授于是見女夜與之處美而艷亟欲就之輒輾轉牀席間如隔壁與語則在索燭照之婉變豐澤來就人也撫而摸之又不可近凡數夕無如之何某氏子貌亦美女心動悅之則曰席間有紅縷一線盡取而去之去之乃得接合甚歡其家知而將殺之女以告使急去某曰若贅我何爲女曰

以子美我故私而就子其他或來與處久不得接彼  
將神蕩鬼離以至于死死則師命我裸裎招之故能  
役之執燭茗耳于是決別甚悲女曰無爲思我我固  
老且醜也因脫其面瘳惡殊甚

曠園雜志

霍光夫人顯欲貴其少女成君會許后媛顯謂女醫  
淳于衍曰皇后娠口可投毒藥去之成君卽爲皇后  
矣皇后婉身後飲附子遂崩

西丁龜鑑

唐高宗宮人有自陳時世業醫術者

集異記

義縱姊以醫幸王太后太后問有兄弟欲爲官者乎  
姊曰有弟太后乃告上拜縱爲中郎

續通鑑長編

外科張生妻遇神人授一癰疽異方一冊且誨以手  
法遂用醫著名俗呼爲張小娘子

夷堅志

王建宮詞白日臥多嬌似病隔簾教喚女醫人

晉王離妻李氏者將洛陽舊火隨元帝南渡自言受  
道于祖母王氏傳此火并有遺書臨終使行此火勿  
令斷絕火色甚赤異於餘火有靈驗四方病者將此  
火煮藥及灸諸病皆愈及李氏卒火亦經時而滅人  
號其所居曰聖火巷

建康實錄

張仙姑善布氣人有疾仙姑輒瞑目潛爲布氣攻之  
俄覺腹熱如火已而鳴聲如雷疾無不愈

世間聞談

藥婆今捉牙蟲賣安胎墮胎藥之類

稱號篇

郭璞女精於地理璞欲東遷下菰城每立標輒爲飛鳥銜去璞女請無徙因舊址損益之遂定於吳興郡人號璞女爲遷城小娘從璞廟祀

吳興郡城記

江西有嫠婦精青烏術幼時患頭痛有道人來以葫蘆枕之愈授堪輿數頁曰一生喫著不盡

秋燈叢話

胡右丞宗愈妻丁氏善相常於牕隙遙見蔡確謂右丞曰蔡相全似盧相多遜或以兩人肥瘠色貌不同詰之丁氏曰吾雖不及見故相但常一觀繪像與今相神彩似耳後確果南竄與多遜同

女世說



淨慈寺前有瞽嫗能揣骨聽聲知人貴賤

錢塘項記

司馬相如與卓文君俱之臨邛盡賣車騎買酒舍乃

令文君當壚

漢書

阮籍鄰家有少婦美色當壚沽酒籍嘗詣飲醉便臥

其側

晉書

福唐有老嫗當壚有舉子謂曰吾能與爾致數十千

乃令嫗作酒帘題句云下臨廣陌三條濶斜倚危樓

百尺高太守王逵見之大喜呼嫗與錢五千乃王公

咏酒旗詩平生最得意者

詩話總龜

司馬道子于園內爲酒壚列肆使嫗人酤鬻酒肴

野客

叢書

西湖飛來峯有當壚蕭九娘

研山集

羽林郎云胡姬年十五春日獨當壚

古樂府

義熙中趙姥以酤酒爲業居室內地忽隆起姥以酒  
酌之有一物出頭似驢俗謂之土龍

酒譜

東昏侯日與潘妃游芳樂苑大設店肆使官人共相  
貿販妃爲市令帝爲市魁有爭鬪者就妃罰之帝有  
小失妃卽杖之百姓歌曰閔武堂種楊柳至尊屠肉  
潘妃沽酒

南史

宋吳宰於臨安聽調嘗飲酒肆一賣酒娼故人妾也

吳呼問妾引至閣處語曰吾死爲陰司所錄賣酒於市今市上十之二三皆鬼也言訖不見

楮記室

峽中婦人賣酒者皆負于背呼賣之長跪以獻

入蜀記

曹媪賣酒有道人來索飲媪飲之道人與藥一丸云投井中則作酒媪如其言井水皆成酒

寶慶府志

柳條女奴也成都米市橋僞蜀時有柳條家酒肆蓋當時皆以當釐者爲名

侍兒小名錄

西巷內有王小姑酒店

東京夢華錄

長橋有朱娘酒店

水心詩鈔

盧昭美母卒貧無以葬傭爲酒家保得月資與女弟

令備奠祭酒嫗爲客嗟輟食盡以緣身衣被釵釧與  
昭美令葬母并免其備

女世說

米元章書史云使老婦攜書畫出售婦駟今之賣  
婆是也

升菴外集

徐媼以賣金珠爲業用假銀爲首飾賺婦女重價有  
一富室所買最多皆贗物也一日富室婦夢見徐媼  
來云明日君家犬生子其花犬卽我也幸善視之次  
早果見花犬加意護惜呼曰徐老娘

廣園雜志

有人家一男嘗遊市見一女于賣胡粉甚美麗愛之  
無由自達乃托買粉日往市得粉便去初無所言積

久女疑因問其故答曰意相愛樂不敢自達然恒欲相見故假此以觀姿耳女悵然有感遂相許以私明夕安寢堂屋以待女來薄暮果到男不勝其悅把臂曰宿願始伸于此歡踴遂死女惶懼遁去至食時父母怪男不起往視已死矣殯殮發笥中見百餘裹胡粉大小一例其母曰殺我兒者必此粉也入市遍買胡粉次至此女比之手跡如先遂執問女曰何殺我兒女嗚咽具以實陳父母不信遂以訴官女曰妾豈復愛死乞一臨尸盡哀縣令許之徑往撫哭男豁然更生遂爲夫婦

北唐叢錄

明帝見賣食姬以七寶鞭與之

晉書

王衍大內造坊市令宮嬪著青衫懸帘鬻食

前蜀紀事

東陽杜氏二女子早喪父母鬻餅市中厨人挑之二

女子憤殺厨人走匿仙居之孟溪夜雨水漲皆溺死

時隋大業間也唐人取其遺骨塑像建廟元至正中

封貞惠貞淑二真仙

金臺集

蔡姬李滄溟侍兒之最慧者滄溟死後蔡姬典盡羅

裙年七十餘在濟南西關賣胡餅自給

問山亭集

傅炎爲山陰令有賣糖姥姥與賣針姥姥爭絲同詣

炎炎掛而輕鞭之有鐵屑乃罰賣糖者

南齊書

販糖之妾見馮敬通與弟婦書

楊霜譜

陽都女隨犢子出種桃李一宿而返後數十年見在

潘山下冬賣桃菓

列仙傳

王鯨遇賣蕨姥黃衣破結有飢色憫之以千錢賣蕨  
歸蒸之盡成金釵蓋姥非常人也

清異志

黃善聰金陵女也年十二喪母姊已嫁父嘗挾線香  
行販江北念女幼孤假粧爲男挈之以往數年父亦  
淪逝聰自以力弱不能經營改姓名曰張勝合郡人  
李英爲夥仍業販香相處歲餘臥起皆同但云有疾  
不去衫袴洩溺以夜英初不知其爲女子也後與英

還金陵年已二十餘往候其姊姊不識且曰吾昔無  
兄弟止有妹耳我父挈往他所賈販數年音問不通  
存亡未審聰哭曰吾卽汝妹善聰也父死孤貧不能  
歸不得已合郡人李英爲夥營生度日今偕歸拜姊  
耳姊聞父沒悲啼失聲徐怒曰男女亂羣辱我甚矣  
拒不納聰曰妹亦欲明此身以見志于密室驗之果  
處子也乃仍爲女飾越兩日英來知爲女怏怏如失  
歸告母遣媒求配聰堅拒曰吾向與英同臥起者數  
年今若諧婚則終身不得明前節矣所親交勸之聰  
志益堅事聞三廠中官逼令就婚且以貲粧相贈始



不敢違遂爲夫婦

金罍子

朱雋母以販繒絲爲事

張璠漢記

王僧孺母鬻紗布以自業

梁書

周滅北齊北齊后妃以賣燭爲業

隋隱漫錄

西施苧蘿村鬻薪妾

美婦人傳

蒼山雪六月不化市上女郎賣之猶賣冰也

西覽篇

蘇耽母賣井水以供養

桂陽列仙傳

劉休妻王氏妬明帝令休于宅後開小店使王氏親

賣掃帚皂莢以辱之

宋書

張住住女兄爲小舖席貨草劉薑菓之類

北里志

龐居士女靈照賣竹漉籬以供朝夕

傳燈錄

杭州貧人婦女作彈絮弓弦售人

紫桃軒雜綴

蜀先主之母織席販履爲業

看雲堂叢錄

儲福死妻范氏孝養其姑一日范至澗邊浣衣見其

芻草生若席草因取以織席售而養姑姑卒范亦卒

席草遂不生

語林

翟方進幼好學後母織履以給之

蘇氏家語

施嬭年六十爲人織履

春渚紀聞

魏武帝遺令曰諸夫人諸舍中無所爲學作履綦賣也

陸機弔魏武帝文

裴潛妻貧乏織筓以自供

魏畧

安南女子愛招漢婿婦出貿易夫坐食于家

安南志

北夢瑣言唐柳僕射因女僧鬻婢於蓋使君玉照新

志宋王安國訪乳婢於女僧

項綴錄

晉書妯娌尼僧妯娌之老者能以甘言悅人故曰妯

俗呼妯娌

月錦總錄

唐宋女兒多有養娘卽今之針線娘也

草堂詩餘注

杭州有喪之家命僧爲佛事必請親戚婦人觀看主

母則帶養娘隨從養娘首問來請者有弄花棒鼓否

請者曰有則養娘爭肯前去花棒鼓者一僧三四棒

鼓輪轉拋弄諸婦女競觀之以爲樂

古杭雜記

官本雜劇段數有義養娘有雙養娘

武林舊事

王喜娘妖冶而喜飲

信徵錄

京都中下之戶生女甫長則隨其資質教以藝業以  
備士大夫採擇有所謂身邊人本事人供過人針線  
人堂前人劇雜人拆洗人琴童棋童厨娘等級就中  
厨娘最爲下色然非極富家不可用

江行雜錄

有某官者已歷二倅一守矣聞京都厨娘調羹可口  
欲置一人適有厨娘自府第回年可二十餘有容藝  
能算能書守遂招致之厨娘先遣其夫申狀來乃其

親筆也字畫端正歷敘慶新末乞以同轎接取庶成  
體面辭甚委曲殆非庸碌女子所及及入門容止循  
雅紅衫翠裙參侍左右乃退守令且具常食厨娘請  
食品菜品守書以予之食品第一爲羊頭僉菜品第  
一爲葱齏餘皆便易者厨娘舉筆硯具物料羊頭僉  
用羊頭十箇葱齏用葱五斤他稱是守疑其妄而姑  
從之以密覘其所用物料既齊厨娘發行奩取鍋鏹  
孟勺湯盤之屬令小婢先捧以行燿爛奪目皆是白  
金所爲至如刀砧雜器亦一一精緻厨娘更團襖圍  
裙銀索攀膊掉臂而入據胡床徐起切抹批衛有運

斤成風之勢其治羊頭也漉置几上剔留臉肉餘悉  
擲之地衆問其故厨娘曰此皆非貴人所食矣其治  
慈也取慈微過沸湯悉去翳葉而裁截之又除其外  
數重取條心之似莖黃者以淡酒醢浸漬餘悉棄置  
凡所供備馨香脆美濟楚細膩食之舉筋無麻餘既  
徹席厨娘整襟再拜照例支牒守方遍難厨娘曰得  
非待檢例耶探囊取數幅紙以呈曰是昨在某官所  
得支賜判單也守視之其例每展會支賜或至于券  
數正家聚或至三二百千雙守破慳勉強予之不兩  
月託以他事遣還

賜谷漫錄

蔡京厨婢數百人 膳夫錄

段丞相有厨下老婢名膳祖精于饌事指授女僕四十年凡閱百婢僅九婢可嗣法 鄒平公食憲章

江淮荆楚間商賈多挾婦俱行供炊爨薪水之役夜則共臥如妾大抵皆土娼也謂之嬌子 夷堅志

宋臨安有一穩婆與人守產生兒不患痘疹能于未啼前去其口中穢物故也 農田餘話

穩婆范氏專爲人墮胎未幾合家俱死 果報聞見錄

米元章母產媼也出入禁中以勞補其子殿侍 雜助編

宮中誕育令供老嫗乳婦抱洗女人等 武林舊事

餘杭收生婦王老娘半夜聞扣門聲急啓視則與收生者也有淡青色燈一對引之上船其行如飛至其家坐蓐者乃一紅衣婦人稱曰大娘其姑稱太太者與收生婦共食食畢臨盆產一子其姑與銀半錠大娘又私贈銀五錢復以原舟送之歸天尚未明也少寢覺腹痛異常嘔吐狼籍皆樹葉也因疑產子者非人檢其所贈乃冥鏹半錠也唯大娘之銀則未提焉疑爲殮時受舍之物耳

述異記

沈文端家書云文姐有娠臨生產時尋一箇省事的收生婆

筠廊二筆



乳醫陳嫗切脈知其早晚月則知日日則知時有兩家就乳切其右家曰是當午生切其左家曰是當夜生復切之曰初更兩點其時也皆如其言

後山談叢

乳醫趙十五嫂聞人扣門請收生趙遽隨行步稍遲其人負之而去奔馳如風至石崖下謂趙曰吾乃虎也緣吾妻臨蓐危困知媼善此伎所以相邀便引入洞中見牝虎委頓趙于洞外摘嫩藥數葉揉碎置虎鼻卽噴嚏數聲旋產三子牝虎卽負趙歸

夢堅志

徐清叟子婦懷孕十有七月不產舉家憂危忽一婦踵門自言姓陳專醫產徐喜留之以事告陳婦曰此

易耳令別治一樓樓心鑿一穴置產婦于樓上仍令數僕持杖樓下候有物墜地卽捶殺之旣而產一小蛇俄長丈餘自竅而下羣僕插之舉家相慶酬以禮物不受但需手帕一方令親書徐某貽救產陳氏數字且曰某居福州古田縣某處出門忽不見後清叟知福州憶某事尋訪之隣舍云此間有陳夫人廟常化身救產諦視之則所題手帕懸于像前遂請勒加封并宏其廟宇

浦城志

廈門夫婦二人操舟捕魚爲業適有魚丈許觸舟來婦以篙撲之魚昂首向婦三躍乃逝後每夢與魚交

有孕產子自是獲魚倍常

江舟雜記

太湖大眾船女子塗妝綰髻臂金跳脫拽蓬

靜志居詩話

南海解牛多女人謂之屠婆

蘆浦筆記

虔婆賊婆也

稱號篇

張秋婦僱驢往充府探親途中問驢夫有妻乎曰無  
婦曰吾亦新寡與汝盍爲夫婦驢夫大喜因野合焉  
迨至府謂驢夫曰我母家頗豐若如此衣服不便同  
歸因與十金令至緞舖買緞二疋持歸婦密燒其數  
處驢夫不知也婦曰如此破緞買之何用與汝飯後  
同往換之已密置毒其中驢夫食訖遂同至緞舖其

爭論間墮夫毒發死矣其婦以緞舖殺夫遂欲鳴官  
緞舖恐以五百金賄婦遂挈貲騎驢而去

述異記

江蘇韓巡撫遣幹辦資金與札赴北京道山東旅店  
樓上誤傾汚其衣怒甚店主向樓罵曰浪小婦何汚  
貴人速下請罪幹辦知其爲妓也怒盡解比至顏色  
光焰是夜遂接枕席四鼓起行妓亦去至前林則響  
馬號箭至矣幹辦泣曰予奉公往都若却我禍不旋  
踵盜近前乃美少年忽擲帽曰認得老娘否幹辦視  
之夜來妓也哀告之妓曰念汝枕上情文書手札俱  
還汝盡攫其金去幹辦反責店主店主曰旅店如織

彼與汝前後同來投宿知爲誰乎

柳軒叢談

宛叔歸茅止生止生歿盡橐裝奔田弘遇田以老婢  
子畜之復謀奔東平侯將行而京城陷乃爲丐婦裝  
間行還金陵盜殺之於野

長水日鈔